



Arkitekt Mette Kyed Thorson  
Kvalen  
5955 LINDÅS

Referanser:  
Dykker:  
Vår: 15/654 - 15/23776

Saksbehandlar:  
Kristin Nielsen  
kristin.nielsen@lindas.kommune.no

Dato:  
29.06.2015

## Dispensasjon og løyve til oppføring av to tilbygg og terrasse - 188/277 Gjervik ytre

**Administrativt vedtak. Saknr: 283/15**

**Tiltakshavar:** Svein Harald Vikøren  
**Ansvarleg søker:** Arkitekt Mette Kyed Thorson  
**Søknadstype:** Søknad om løyve til tiltak med ansvarsrett etter plan- og bygningslova (tbl.) § 20-1

### SAKSUTGREIING:

#### Tiltak

Saka gjeld søknad om oppføring av to tilbygg og terrasse med bruksareal (BRA) opplyst til saman å vere 89,0 m<sup>2</sup> og bygd areal (BYA) 98,0 m<sup>2</sup>. Søknaden gjeld også bruksendring frå tilleggsdel til hovuddel, samt etablering av bod i underetasjen. Utnyttingsgrad inkludert eksisterande og ny bygningsmasse er opplyst til ca. 22 % BYA.

Saka omfattar søknad om dispensasjon frå regulert byggegrense mot nabogrense og frå krav om utarbeiding av ny reguleringsplan.

Det vert elles vist til søknad motteke 20.02.2015 og supplert 23.06.2015.

#### Sakshandsamingsfrist

Søknaden var ikkje komplett då den var mottatt. Trong for tilleggsdokumentasjon vart meldt til ansvarleg søker ved brev datert 12.05.2015. Dokumentasjon vart motteke frå ansvarleg søker 23.06.2015.

Søknaden var komplett og klar for handsaming same dato. Etter pbl. § 21-7 første ledd jf. SAK 10 § 7-2 er det ikkje lovfesta frist for sakshandsaming av søknadar som gjeld dispensasjon frå gjeldande plangrunnlag.



## **Planstatus**

Eigedommen ligg i regulert område innafor det som i reguleringsplanen for «*Felt D Stallane*» med planid 1263-18061965 er definert som bustadføremål.

Tillat grad av utnytting er ikke definert i den gjeldande planen.

## **Dispensasjon**

Tiltaket krev dispensasjon for to tilhøve:

1. Frå regulert byggegrense mot nabogrense.
2. Frå kravet om utarbeiding av ny reguleringsplan, då den gjeldande reguleringsplanen manglar informasjon om utnyttingsgrad.

Det er søkt dispensasjon med slik grunngjeving:

1. Regulert byggegrense:

*«De to tilbygg plasseres i forlengelse av eksisterende bygg langs tomtegrensene og kommer derfor ikke nærmere tomtegrensene end det eksisterende bygg. I dag står det allerede en garasje under størstedelen av det som blir tilbygget mot nordvest. For husets samlede utseende er det en fordel at vegglivet på tilbyggene ikke trekkes 0,5 meter lenger inn end den eksisterende yttervegg mot nordvest og 0,1 m fra yttervegg mot nordøst. Hensynet bak kravet om de 5,0 meters avstand til byggegrense på tomten er stort sett holdt mellom bebygde nabotomter mens det er mindre relevant mot LNF område nord for byggefeltet. Det anses derfor at fordelene ved å gi dispensasjon oppveier eventuelle ulemper.»*

2. Plankrav:

*«Tomten ligger i ferdig utbygget felt og en dispensasjon vil ikke danne presedens for andre tomter. Etter tiltaket vil husets bruksareal (på 322 m<sup>2</sup>) være innenfor de 400 m<sup>2</sup> BRA der generelt er satt som grense i Kommuneplanens arealdel §2.14. Husets bebygde areal utgjør 22 % hvilket er nær de 20 % der er angitt i Kommuneplanens arealdel og fortsatt innenfor de rammene man ville kunne tenke seg ville bli fastsatt ved en evt. reguleringsendring. Ettersom utbyggingen holder seg i nærheten av disse arealangivelser respekteres hensynene bak reguleringsbestemmelsene. Det anses at fordele ved å gi dispensasjon oppveies av eventuelle ulemper.»*

## **Uttale frå anna styresmakt**

Det er ikke henta inn uttale frå anna styresmakt.

Kommunen legg til grunn at søknad om dispensasjon på grunn av tiltaket sin art og plassering ikkje skal sendast på høyring til Fylkesmannen i Hordaland, jf. fylkesmannen sitt brev av 31.01.2012. Fylkesmannen i Hordaland får vedtaket til klagevurdering.

## **Nabovarsel**

Tiltaket er nabovarsla i samsvar med pbl. § 21-3.

Det ligg ikke føre merknader frå nabo.

## **Plassering**

Plassering av tiltaket er vist i situasjonsplan datert 30.12.2014.

Tiltaket er plassert i strid med byggegrense i plan mot nordaust og nordvest.

På situasjonsplanen er minsteavstand til nabogrense vist til å vere 4,5 meter. Eigar av gnr. 188 bnr. 260 har i udatert dokument samtykka til at tiltaket kan plasserast 4,5 meter frå nabogrensa.

Eigar av gnr. 188 bnr. 266 har i dokument datert 15.06.2015 samtykka til at tiltaket kan plasserast 4,9 meter frå nabogrensa.

Det er søkt om same kote på topp golv som som for det eksisterande bustadhuset. Det er ikkje søkt om høgare mønehøgde for tilbygga enn den eksisterande bygget har.

### **Vatn og avløp (VA)**

Eksisterande bad i hovudetasjen vert endra noko, og det vert bygd nytt bad i underetasjen. Utover dette vert det ikkje endringar i vatn- og avløpssituasjonen.

Vi gjer merksam på at det ved søknad om igangsettingsløyve må ligge føre ansvarsrett frå kontrollføretak for fuktsikring.

### **Tilkomst, avkjørsle og parkering**

Tiltaket fører ikkje til endra tilhøve for tilkomst eller avkjørsle. Parkerings-/køyrearealet ved garasjen vert trekt mot sør aust og utvida noko.

### **Terrenghandsaming**

Situasjonsplanen viser utvida parkerings-/køyrearealet ved garasjen.

Teikningar/snitt viser eksisterande og nytt terregng, og plassering i høve terregng.

### **Visuelle kvalitetar**

Tiltaket skal prosjekterast og utførast slik at det etter kommunen sitt skjønn har gode visuelle kvalitetar både i seg sjølv og i høve til tiltaket sin funksjon, bygde og naturlege omgjevnader og plassering, jf. pbl. § 29-2.

Når det gjeld visuelle kvalitetar har ansvarleg søker opplyst at:

«*Tiltaks haver har hatt et grunnleggende ønske om at eneboligen etter ombyggingen skal fremstå herskapelig. Tilbyggene på hver side skal skape symmetri og innramme en romslig terrasse hevet over terrenget foran.*

*Vinduer holdes i stående formater og oppsprosses for å gi bygget et høyere uttrykk. De buede vinduer i endeveggene gir assosiasjoner til tidligere tiders Orangerier, som også hører til herskapelige bygningers kendetegn.*

*Tilbyggene oppføres i trekonstruksjon med trekledning på alle yttervegger. Taket holdes uendret med 22 graders heldning og tekkes med takstein. Tiltakshaver ønsker å beholde de eksisterende svarte takstein, men endre husets nåværende mørkegrå farge til hvit.»*

### **Flaum, skred og andre natur- og miljøtilhøve**

Ansvarleg søker har erklært at tiltaket ikkje skal plasserast i eit område der det er fare for flaum, skred eller andre natur- og miljøtilhøve som krev særskilte undersøkingar eller tiltak. Kommunen legg denne vurderinga til grunn for vedtaket.

## **Tekniske krav til byggverk**

Tiltaket skal prosjekterast og førast opp i samsvar med forskrift om tekniske krav til byggverk (TEK), jf. pbl. § 29-5.

## **VURDERING**

### **Dispensasjon**

Det er to vilkår som må vere oppfylt for å gje dispensasjon etter pbl. § 19-2.

For det første må dei omsyna som ligg bak føresegna det dispenserast i frå ikkje verte vesentleg tilsidesett.

For det andre må fordelane ved å gje dispensasjon vere klart større enn ulempene, etter ei samla vurdering.

Ved dispensasjon frå planar skal det leggjast særleg vekt på nasjonale og regionale rammer, og det bør ikkje gjevast dispensasjon frå planar når ei direkte råka statleg eller regional styresmakt har gjeve negativ uttale til søknaden, jf. pbl. § 19-2 (4).

Ved dispensasjon frå lov og forskrift skal det leggjast særleg vekt på dispensasjonen sine konsekvensar for helse, miljø, tryggleik og tilgjenge.

Kommunen kan setje vilkår for dispensasjonen, jf. pbl. § 19-2. Vilkåra må ligge innanfor ramma av dei omsyn lova skal ivareta, og det må vere ein naturleg samanheng mellom dispensasjon og vilkår, til dømes slik at vilkår så langt som mogleg kompenserer for ulempar dispensasjon kan medføre, jf. Ot.prp. nr. 56 (1984-85) s 102.

Det er søkt om dispensasjon frå byggegrense slik denne er sett i reguleringsplanen, og frå utarbeiding av plan då den gjeldande reguleringsplanen manglar informasjon om utnyttingsgrad.

Det vert vist til innsendt dispensasjonssøknad og etterfylgjande skriv i sin heilskap. Kommunen er i stor grad einig i dei grunner som er oppgjeve i søknaden, og finn soleis etter ei konkret vurdering at vilkåra for dispensasjon er stetta.

### **Plassering**

Tiltaket vert godkjent plassert slik det går fram av søknaden.

### **Visuelle kvalitetar**

Tiltaket har etter kommunen sitt skjønn tilfredsstillande visuelle kvalitetar, både i seg sjølv og i høve til si funksjon, og dei bygde og naturlege omgjevnader og plassering, jf. pbl. § 29-2.

### **Tiltaksklasse**

Kommunen legg sokjar si vurdering av tiltaksklasse til grunn og godkjenner tiltaket i tiltaksklasse 1.

### **Vurdering etter naturmangfaldslova**

Kommunen har vurdert prinsippa i § 8 – 12 i naturmangfaldslova. Ein har mellom anna sjekka det aktuelle arealet i [www.naturbase.no](http://www.naturbase.no) og [www.artsdatabanken.no](http://www.artsdatabanken.no) og nyttat rettleiing frå Fylkesmannen i Hordaland. Kommunen finn ikkje at tiltaket vil kome i konflikt med naturmangfaldslova.

**VEDTAK:**

**Med heimel i plan- og bygningslova § 19-2 vert det gjeve dispensasjon frå regulert byggegrense og krav om utarbeiding av reguleringsplan for oppføring av to tilbygg og terrasse.**

**Med heimel i plan- og bygningslova §§ 20-1 bokstav a vert det gjeve rammeløyve for oppføring av to tilbygg og terrasse, bruksendring frå tilleggsdel til hovuddel, samt etablering av bod på følgjande vilkår:**

1. **Tiltaket skal plasserast som vist i situasjonsplan datert 30.12.2014 med heimel i pbl. § 29-4, jf. SAK § 6-3.**
2. **Tiltaket skal ikkje førast opp nærmare nabogrense mot gnr. 188 bnr. 260 enn 4,5 meter, og ikkje nærmare nabogrense mot gnr. 188 bnr. 266 enn 4,9 meter.**
3. **Heile tiltaket vert godkjent i tiltaksklasse 1 med heimel i SAK § 9-3.**

**Med heimel i plan- og bygningslova § 23-3 jf. § 23-4 (SØK) / 23-5 (PRO) / 23-6 (UTF) /23-7 (KTR) gjev kommunen godkjenning for følgjande ansvarsrettar:**

FUNKSJON	FØRETAK	ORG.NR.	L/S *	TILT.K L.	ANSVARSMÅRÅDE
SØK	Arkitekt Mette Kyed Thorson	987 788 682	L	1	Ansvarleg søker
PRO	Arkitekt Mette Kyed Thorson	987 788 682	L	1	Utforming av tilbygg

\*S = Sentral godkjenning, L = Lokal godkjenning

Det er en føresetnad for vedtaket at føretak og personar som ikkje har sentral godkjenning har utarbeidd og teke i bruk føretakssystem i medhald av SAK kapittel 10.

**Mynde**

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

**Klage**

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønsker. Klagen skal grunngjenvæst.

Føretak som har fått avslag på søknad om ansvarsrett har særskilt rett til å klage over dette vedtaket. Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Kopi av dette vedtaket, samt andre saksdokument, skal alltid vere tilgjengeleg på byggeplassen.  
Ved all vidare kontakt i denne saka, ver venleg og referer til saknr.: 15/654

**Ansvar**

*Tiltakshavar er ansvarleg for at byggverket vert oppført i tråd med føresegner gjeve i eller i medhald av plan- og bygningslova, jf. pbl. § 23-1, 2. ledd. Om søknaden er i strid med offentlige føresegner gjeld føresegnene føre løyvet. Vedtak etter plan- og bygningslova inneber ikke avgjerd i privatrettslege tilhøve, jf. pbl. § 21-6.*

#### **Bortfall av løyve**

*Om byggearbeidet ikke er sett i gang innan 3 år etter at dette løyvet er gitt, eller vert innstilt i lengre tid enn 2 år, fell løyvet bort, jf. pbl. § 21-9. Dette gjeld også dispensasjonsløyvet.*

#### **Avfall**

*Alt avfall som tiltaket fører med seg skal leverast til mottak godkjent av forureiningsstyresmakta.*

#### **Ferdigstilling**

*Tiltaket skal avsluttast med ferdigattest, jf. pbl. § 21-10 og SAK § 8-1. Ingen delar av byggverket må takast i bruk før ferdigattest eller mellombels bruksløyve legg føre.*

*Sluttdokumentasjonen skal vise at tiltaket er utført i samsvar med løyve og føresegner gjeve i eller i medhald av plan- og bygningslova. Om det er justeringar i tiltaket i høve til løyvet som ikke krev søknad om endring, skal ansvarleg søkjar seinast ved søknad om ferdigattest sende oppdatert situasjonsplan og teikningar til kommunen. Ved søknad om ferdigattest skal søkjar stadfeste at høveleg dokumentasjon for forvaltning, drift og vedlikehald er overlevert byggverket sin eigar. I tiltak der det er krav om avfallsplan eller miljøsaneringsutgreiing skal sluttrapport som dokumenterer faktisk disponering av avfall leggjast ved søknad om ferdigattest.*

*Når det står att mindre vesentlege arbeid kan kommunen gje mellombels bruksløyve for heile eller deler av tiltaket. I søknad om mellombels bruksløyve skal søker identifisere attståande arbeid, stadfeste at byggverket har tilfredsstillende tryggleik, og sette tidspunkt for ferdigstilling.*

*Oppdatert gjennomføringsplan skal alltid leggjast ved søknad om ferdigattest/mellombels bruksløyve.*

*Før det vert gjeve ferdigattest/mellombels bruksløyve for tiltaket må følgjande ligge føre:*

1. *Faktisk plassering av tiltaket må vere målt inn, og koordinatar sendt kommunen.*

#### **Gebyr**

Med heimel i plan- og bygningslova § 33-1 og Lokal forskrift om gebyr for teknisk forvaltningsteneste vert det følgjande gebyr i saka:

Kode	Skildring	Tal	Sum
9.1.5	Dispensasjonar frå plan	2 x 8 400,-	Kr 16 800,-
10.2.1	Basisgebyr tilbygg	1 x 13 700,-	Kr 13 700,-
10.2.9	Godkjenning av ansvarsrett, sentral godkjenning	1 x 1 000,-	Kr 1 000,-
<b>Totalt gebyr å betala</b>			<b>Kr 31 500,-</b>

Gebyret skal vere betalt innan 30 dagar rekna frå fakturadato og før arbeidet kan setjast i gang, jf. pbl § 21-4 (6).

#### **Klage**

Gebyr for teknisk forvaltingsteneste er fastsett ved forskrift. Det er ikkje høve til å klage over ei forskrift, jf. forvaltningslova §§ 3, 28 og 40. Det kan difor ikkje klagast over at det vert kravd gebyr, eller over storleiken på gebyret. Det kan klagast over kva punkt i regulativet gebyret er rekna ut i frå. Klage skal vere grunngjeven.

Med helsing

Tor Hegle  
avdelingsleiar

Kristin Nielsen  
rådgjever

*Dette dokumentet er elektronisk godkjent og har difor ingen signatur.*

**Kopi til:**

Cathrine og Svein Vikøren  
Fylkesmannen i Hordaland

Stallane 42  
Postboks 7310

5914  
5020

ISDALSTØ  
Bergen

**Mottakarar:**

Arkitekt Mette Kyed Thorson

Kvalen

5955

LINDÅS